

## Søknad om oskespreiing etter min død

Namn:
Fødselsnummer (11 siffer):
Adresse:
Telefonnummer:

**Ønska stad for oskespreiinga** (detaljert skildring med kommune, lokalt stadnamn og helst merka på kart som blir lagt ved søknaden):

Stad:	Dato:
Underskrift:	

## **Oskespreiing**

Det følgjer av gravferdslova § 20 andre ledd at Fylkesmannen (no Statsforvaltaren), etter søknad frå person som har fylt 15 år, kan «gi tillatelse til at den som skal sørge for vedkommendes gravferd sører asken for vinden. Tillatelse kan også ges etter vedkommendes død når det godtgjøres at vedkommende ønsket askespredning. Slik tillatelse kan også ges for aske etter barn når nærmeste etterlatte ønsker det.»

Ved oskespreiing, er det ikkje høve til å få sett opp gravminne eller namn på minnesmerke på gravplass. Den som sørger for gravferda er heller ikkje rettsleg forplikta til å gjennomføre oskespreiinga eller söke om oskespreiing etter ønske fra den avlidne, dersom det er i strid med personen sitt ønske eller overtyding.

Oska kan ikkje delast, slik at noko blir spreidd for vinden og noko sett ned på gravplass. Det er heller ikkje mogleg å dele oska for å spreie den på ulike stader.

I førearbeida til gravferdslova er det lagt til grunn at Statsforvaltaren skal forsikre seg om at oskespreiinga vil skje i sømelege formar og på ein eigna stad. For å kunne gje løyve til oskespreiing må Statsforvaltaren derfor gjere ei konkret vurdering av om den ønska staden er eigna for oskespreiing. Det er sökjær som må foreslå stad.

## **Oskespreiing i sjø/vatn**

Det er ikkje lengre eit krav om at oskespreiinga skal skje «utaskjærs». Det kan også gjevast løyve til oskespreiing i fjordar. Departementet har likevel lagt til grunn at det ikkje bør gjevast løyve til oskespreiing dersom det er mykje fritidstrafikk i området, eller det er strender eller mykje busetnad i området. Det kan også gjevast løyve til oskespreiing i elvar, vassdrag og andre ferskvatn. Då vil det vere eit vilkår at området har tilstrekkeleg aude karakter.

Departementet har i rundskrivet lagt til grunn at senking av urner av letttoppløyseleg materiale i sjø, er likestilt med oskespreiing.

## **Oskespreiing på land**

Ved oskespreiing over land, har departementet uttalt at det er området sin karakter som bør vere avgjerande for om løyve til oskespreiing kan gjevast. Departementet har framheva at det berre bør gjevast løyve til spreiing i område utan busetnad og der området har eit aude preg. Oska kan spreast i aude skogsområde, men det bør ikke gjevast løyve til spreiing i populære utfartsområde.

## **Framgangsmåten**

Søknad om løyve til oskespreiing skal sendast til Statsforvaltaren i det fylket du ønskjer at oska skal spreast i. I søknaden må du opplyse om kvar du ønskjer at spreiinga skal skje, med ein nærmare skildring av staden og helst merka på eit kart som blir lagt ved søknaden.

Etterlatne, eller den som skal sørge for gravferda, kan söke om å få spreie oska etter avlidne. Då må det godtgjera at den avlidne ønskte oskespreiinga. Det må derfor leggast ved ei underteikna erklæring frå minst to personar som stadfestar at oskespreiinga var avlidne sitt ønske. Dersom dette ikkje let seg gjere, treng vi ei grunngjeving for dette, saman med ei forklaring på kven avlidne har ytra ønske sitt til og korleis dette vart gjort.

Dersom det blir sökt om spreiing av oske etter barn, må søknaden kome frå barnet sine nærmaste etterlatne.

For ordens skull gjer vi merksam på at den som har fylt 18 år, kan fastsette kven som skal ha rett til å sørge for gravferda ved ei skriftleg erklæring. Erklæringa skal vere underskriven og datert, jf. gravferdslova § 9. Eit eventuelt løyve til oskespreiing bør gjerast kjent for dei pårørande/ansvarleg for gravferda. Løyvet må gjerne oppbevarast som eit testamente.